

# Medi da chasa – medi da video

Per il provediment da sanadad dal futur en regiuns periferas duain gidar novs models da lavur e la digitalisaziun. Il medi da chasa che stat a disposiziun set dis l'emna en lur praticas singulas èn tenor studis actuals models antiquads. Per remplazzar quels en l'avvenir fai da basegn da novas soluziuns, cunzunt en regiuns periferas.

«Las personas giuvnas vulan lavurar sin il pli 43 uras per emna. Els dovran tgira d'uffants ed ina piazza da lavur per il partenari u la partenaria.» Quai sajan prentensiuns da la nova generaziun da medis, di la presidenta da l'Uniun da medis svizra *Yvonne Gilli*.

Il problems sajan dentant schliabels. Ella propona dapli praticas communablas, lavur parziala e l'uschenumnada «interprofessionality». In concept che descriva squadras da persunal medicinal e medis cun differentas cumpetenzas che cumpletteschan ina l'otra.

## Impurtant è il provediment ambulat

Tge che saja vinavant impurtant per pazientas e pazients saja in bun prim provediment bain accessibel. Senza quel gaja la glieud davent da las regiuns. Las diagnosas en cas betg ambulants possian dentant er vegnir fatgas cun agid da meds digitalas. La savida da spezialistas u medis na stoppia numnadamain betg adina esser geograficamain damanaivel a pazientas e pazients.

## Cussegliaziuns sin via virtuala

*Thomas Krech*, CEO da «MiSANTO» che porscha ina app da consultaziuns digitalas è segir che cussegliaziuns virtualas vegnian en l'avvenir a daventar pli im-

## Quai ch'era pli baud en il scussal dal medi pon ins oz far per part sin distanza.

*Yvonne Gilli*, presidenta da l'Uniun per medias e medis svizzers

purantas. Pertge enfin il 2030 duai dar en Svizra ina fora da 10 milliuns consultaziuns. Tenor il medi duain consultaziuns digitalas pudair cuvrir 70% da questa fora. Grazia ad ina cumbinaziun da savida umana ed intelligenza artificiala possian las apps far gia diagnosas provisoricas ed eruir ordavant sch'in pazient haja in problem urgent.

## Era las datas da pazientas duain vegnir digitalisadas

Il dossier da pazients electronic, curt EPD, duai ramassar e digitalisar las da-

## Las datas tutgan al pazient e duain esser accessiblas 24/7.

*Arnold Bachmann*, president da l'uniun «eSanita»

tas da pazientas e pazients en in lieu. Quel duai lura esser accessibel independentamain da temp e lieu. Uschia possian per exempel spezialistas e spezialists avair access a las datas en cas urgents sco accidents. Quai è almain il plan da l'uniun «eSanita». *Arnold Bachmann*, president da quest'uniun di ch'i saja impurtant da savair, che las datas tutgan al pazient e fissan uschia pli bain accessiblas ch'en furma analoga en l'archiv d'in medi da chasa.

Sper las sfidas da protecziun da datas saja dentant er impurtant da persvader pazientas e pazients. Ina tscherta disfidanza envers certificats digitalas han ins gia pudì constatar tar la pandemia e qua vegnia ad esser sumegliant. Na l'ultim gioga er la politica ina rolla en la dumonda, cura che talas purschidas èn funcziunalas per la massa. Tschertas soluziuns digitalas vegnian gia duvradas ed il dossier dal pazients electronic duai vegnir lantschà en Grischun il november. (rtr/fmr)


## Per exempel Vella

Sia pratica da medi a Vella saja pertugada en pliras spartas da la digitalisaziun, di il medi *Mario Venzin*. Quai tant en l'administraziun, en la documentaziun da las actas dals pazients sco era tar las apparaturas medicinalas. La suletta sparta ch'è il mument betg digitalisada è la documentaziun dals pazients. Quellas vegnan fatgas sulettamain sin palpi ed archivadas uschia. Cun la digitalisaziun planisada è il medi persvas da pudair augmentar la segirtad per ils pazients, cunzunt cun algoritmus che fan attent sin cumportament da differents medicaments ni sin termin da controlla. Il process en la pratica sa laschia digitalisar e haja grond potenzial da profitar da la digitalisaziun. Tar il contact e la controlla dal pazient haja quella cunfins.

**Ins sto prender giu sang, ins sto ina giada far ina sonografia, metter si il maun, palpar, intercurir il pazient. E tut quai na pon ins betg far a moda digitala.**

Mario Venzin, medi da chasa a Vella

Il svilup en la digitalisaziun va per Mario Venzin en la dretga direcziun. Quai cunzunt perquai che la qualitat da la purschida medicinala po uschia vegnir augmentada.



Computer e stetoscop: Dus instruments centrals dad ina media u in medi.

FOTO CCO